

HEINRICVS DE VRIMARIA MONACHVS.



HEinricus ordinem fratrū eremitarum S. Augustini ingressus est, anno Christi 1340. In eo sedulo libris incubuit, atq; sua eruditioē ubiq; per Germaniam notus fuit. scripsit is lib. 4. super sentētias. præterea flores ex collatione patrum lib. 24. In super de Incarnatione uerbi, de quadruplici insti-
ctu, in libros Ethicorum, sermones de tempore cū multis alijs, quorum quædam postea, cum Aegidij de Roma commentarijs super sententias, Coloniæ sunt edita. Itaq; is suis lucubrationibus effecit, ut eius memoria etiamnum apud nos supersit, Ges, in Bib.